

(Last updated: 4/28/24)

TARAMBOBONG (Tambobong nin mga Tataramon)

A

adimohan, an pagsaray nin mga tadâ-tadâ tanganing makatipon.

agis-is, gadan na kublit.

agyat, pangapodan na maggibo nin sarong bagay na masakit gibohon, o na may mga olang.

alimbukay, nagwawarak ta dinodoros o ta nabubulabog.

alimon (Rin., *salnop*) *a*) mga ramog, doot asin olang sa pagtubò nin paroy; *b*) iyo man an apod sa saradit na tanga, color puti, dara-dakulâ sana sa tungaw; magatol o magirok an nakakamangan kaining kublit sa hawak nin tawo.

alimyo (*amyo*), naglalakop o nagsasangaw na parong.

amay, bako pang luntok; bako pang huri; o napoon pa sana (*hbw.*, *amay na aga*, *amay pa an panahon*, *amay pa an banggi*).

angat (Eng., *provoke*), laen sa *agyat* (Eng., *challenge*), atubangon an sarong tawo sa pagsudya tanganing aramon kun ano an totoo, o tanganing patunayan an bakong totoo. Sa suruntokan, an pag-angat iyo an pag-alok nin ralaban.

anirà, harong nin lukot o putyokan, kun saen makukua an mahamis asin mapulot na dugos.

angkot, magtipon sa pag-adimohan tanganing makasaray; o dai pagwaldas.

anunudyâ (gikan sa *sudyâ*), nang-aangat. An *nanunudyâ* o *nansusudyâ* bakong gayong palaban kundi nagmamawot sanang maaraman an

totoo, alagad an *anunudyâ* palaban asin igwang katuyohan na mangsupog asin magpa-anggot tanganing an pinapa-anggot magbalos. An sinusudyâ, nasudyaan (masudyaan an sinudyâ), boot sabihon napatotoohan na salâ kaya dai dapat pagtubodan (bako nang maninigong tubodan). *Hbw.*, a) “*Sarô lang naggibong raót nasudyaan na, dawà kadakul nang ginibong kearabayan.*”; b) “*An tawong iyan mayong sudyâ.*” (Malinig an pangaran.); c) “*Mayo lamang kitang dabelan magduwa-duwa sa Dios, ta dai pa lamang nasudyaan an saiyang tataramon.*”

arabit, mayong natatada pakatapos ahiton, simoton asin kunason.

arogasang, darakula asin magaspang na ubak kan paroy, laen man sa ata na saradit asin fino.

asin, sagkod, saká, (Alb.; Cat., budá); pandugtong nin duwang tataramon (bagay).

B

badang o *badang-badang*, piglinigan o ginabihan na daga ta tatanoman.

bahi, yagis kan buri, niog o anahaw na matagas na.

balód, baloád (mabalodbalod), garo pirok na nag-aalon, kaya garo maalon-alon (laen man sa *tikô* o *bikô* na may kanto).

balayan, harong-harong, tolda o baraca, orog na idtong tinutugdok sa tacolod.

barani, yagis kan batag.

bárat, pintô, bakong bukas.

barobatâ, (Spa., joven) lalaking akì pa.

batyag, madali ng mag-aki.

bira, magpa-andar nin makina (hbw., nin baroto).

batay (batayan), susog (susogan).

biglas, lubak sa kaputol na tabla o kahoy.

bingkag (bingkagon), warak (warakon), warakon hbw., an dagâ.

biyadi, igwa nin kakundian (*kabiyadian*).

borobaybay, an salóg (sa irarom) kan salog.

buklos, nakadulag, nakabuhi.

bugsó, paibabâ, kabaliktadan nin tukád na paitaas.

bugtak, paglaag, kabaliktadan nin dara. *Hbw.*, “*Ibugtak an darang gamit, ilaag sa cuarto, ikaag sa ibabaw kan tokador.*”

bul-ad (Cat.), hugak.

bungsod (pag-), pagpoon sa pagtulod o pagusdong nin sarong programa, proyekto o actividad.

D

dagyá, sagana, labi-labi (ta dakulon asin nagsusùpay).

dagká (padagká), pag-alok na maggibo (orog na) nin sarong bagay na maraot o bakong marahay.

dalhog, paghilig (magbabâ) sa anoman na halangkaw na kinamumugtakan, halimbawa an paghilig hale sa lunadan (hil., *danlog*).

danlog (hil., *dalhog*), magbabâ hale sa daga (*danlogan*) pasiring sa lunadan sa tubig arog

baga kan baroto, bangka, lantsa o bapor; kabaliktadan kan *doong* (hil., *dóong*).

dalibig, bolos.

damóy, maghugas dangan magpahid nin ngoso.

dapóg, a) garo lamesang binubugtakan dagâ kun saen kinakaag an talohong; b) pagsabwag na harintok o dusok sa pagpatambo nin paroy sa suhay na kaagan (palitada) bago itanom sa oma.

daraga, akì (Spa., *jovent*) pang babae.

dayaday, nagdadanay na dai nagbabâgo (Eng., constancy).

digtâ, nudí, kanínan.

dóong, a) an pagpundo nin lunadan sa tubig sa pangpang nin salog o dagat (*doongan*), o b) an paghilig (magbabâ) sa lunadan sa tubig pasiring sa dagâ.

dugos, mapulot na mahamis sa gibo nin bubuyog nakukua sa anirà.

dumaraga, aki pang gonâ, madalí nang magpasagbat sa solog. Hil., *solog*.

dnyok (nagdudnyok-dnyok), duko, nagduduko-duko arog baga kan ventilador.

G

gabinbod (Cat.), mahimbong; bakong mainit bako man na malipot.

gabok, lapâ na kahoy.

gadot, dosok na daga.

gabsok, rapsak kan banggi nang marahay.

garas, pagsuhay nin mga lupnis kan barani, ragiwdiw, o dahon kan piña, dahon kan burí o

karagumoy tanganing gibohon pisi, tela, hamak o basket (Eng.)

gigís (Cat., *guramoy*), pinakasadit na murô sa kamot o bitis.

ginaras, tela o kubong na hali sa lupnis nin piña.

H

habin, pagtipon o pag-adimohan nin mga tadâ-tadâ asin walat na paroy sa omá.

hagbayon, sarong joven, maglalaki man o babae.

hâmid, magpahid nin ngusò.

hamtik, darakulang tánga.

hapihap (Cat., *hapiyap*; Eng., *caress*), dootan nin maluway, halimbawa an likod, sa pagpamate nin pagmangno.

harubay (Eng., *proclaim*), pagpalakop nin bareta o osipon. *Orig.*, pagsabwag nin banhi (kaya pagpalakop) sa mahiwas na kaomahan; sabog o sabwag, kun sadit an sasabwagan.

hi-, sarong *pantakod* (Eng., *prefix*; Tag., *unlapi*) na binubugtak sa enotan (kapinònan) nin tataramon na boot sabihon « *paghale nin kun ano pa man sa sarong bagay* »: *hinagís*, idtong mga hinali pakatapos maglinig kan yagis; *himoro*, paglinig kan mga poro; *himoló*, paghali kan ika-sampolo; *himotó*, paglaen kan ogbon na ibabayad sa pakal na nagsagbat sa anayon; *binawi*, paghali kan lawi kan manok o hayop na may lawi; *hinulí*, paghali kan tuli; *hininga*, paghali kan tingá; *hinungay*, paghali kan tungay; *himutà*, paghali nin mutà; *himabà*, pag-inom (nin tubig) tanganing mahale an pahà.

hidaw, pûngaw.

higsang (Cat.), rapsak kan higda.

hílamón, pagsimot, pagtipon asin paghale kan mga alimon sa oma.

hipos (Tag., *tipid*), nag-aangkot ta nagtitipon. *Hbw.*, “*Daing gayo kami nagpara-gastos ta naghibipos kaming gamit sa harong.*” An tinipon mga bâgong gamit bakong mga tadâ-tadâ. *Var.*, *ipos*, mag-andam sa pagluto nin kakanon: *hbw.*, “*Nag-amak na akong kalayao sa pogon, ika man mag-ipos; tabang na kita ta nagsisinarom na.*”

honglonan (Lat., *commercium*; Eng., *exchange*), sarong orolay (Tag., *kasundoan*) nin kagsadiri nin oma asin nin mga para-oma; susog sa orolay na ini an kagsadiri mina-oyon na kuahon an mga para-oma bako sana tanganing magtarok kundi iyo man an mag-ani; an mga para-oma mina-oyon man sa kun anong paagi sinda babayadan, sa paagi nin kwarta o kun pirang parte sa inani. Kaidto an datu iyo an kasadiri kan daga; an mga sakop niya an nag-ooma: honglonan kawasa ta “*communal*” man an pagbuhay sainda kan datu.

hodong (daing punto sa ikaduwang sílaba), hilo (Eng., *poison*).

hodóng (igwang punto sa ikaduwang sílaba), magpundo nin sakayan sa daga.

honong, magpundo nin sakayan sa tubig; pagpundo kan sulog kan tubig, tanda na mabirik na an sulog pataob o paatí.

hugam, laob an palad sa pagkapkap kan ibabaw kan borobaybay kun may hinahanap. Laen sa pagsinsin na tihayâ an palad huli ta irarom na parte an kinakapkap. An hugam ginagamit sa tubig lang; kapkap o hapihap kun mayong tubig.

hurót, pag-agyat na gibohon.

húyag (hinuhúyag), latag (piglalatang).

I

ilisya (gamot: *ilis*), ipalahos, ilikay.

ilimbag, ipaluwas sa imprenta.

K

kaag, kun ibubugtak lang asin dai boot sabihon na ilalaog. (Hil. *laag*)

kabatolan (Cat.), kahirasan.

kablas, nasayang na pagkakataon, napasalâ.

kairaroman, kaladman.

kagdaog, daog an gabos, garo sigà; hambogon.

kakundian, kakulangan o tuyaw huli ta igwang kulang (*hal.*, magayon “*kundi*” hababâ, boot sabihon igwang “*kundi*” o kakundian).

kaogdan (halipot nin kaugayan), pakinabang (Eng., benefit).

kapá, kun lanob o paitaas (Eng., vertical) an kinakapkap. Hbw., “*Kun madikelom na, kapaon mo lang an lanob tanging makua mo an pintoan.*”

karakwaan, labi-labing pagpasiram sa laman.

karigonan, kusog-boot; isog-boot.

kasanggayaban, toninong an isip asin boot.

katigayonan, kamugtakan na igwang marahay na boot.

kilay, bakong tanos na paglakaw ta bakong pantay an duwang bitis sa salog, o ta may makulog sa bitis, tuhod o tabay.

kilik, pagdara nin aki sa tagilidan (hirog) kan nagdadara, an bitis kan aki naka-ipit sa tagilidan (hirog) kan nagdadara, kugos nin sarong takyang an likod (habayan) kan aki.

kinatrí (Spa., *retaso*), kaputol, kapidaso, katinabas o tadâ-tadâ na alanganin an sukol. Hbw., “*An mga kinatrí sa pagtabi makakabilog pa nin sarong badò.*”; “*Huli ta dai pantay an dagá, kaya lugod may kinatrí na dai natarokan, na masasarongan pa nin topong.*”

kolbo, pagtindog nin tamporok (balukag sa may líog) nin manok ta natatakot.

kolagban, sarong insekto (*rhopalocera*) na may maniwang na lawas asin mahiwas na makolor na pakpak, sa Tagalog *alibangbang* o *paru-paro*.

korona, an itaas na kabtang nin kahoy, kairiba an mga sanga sagkod dahon.

kumas, pagsimot nin kakanon na yaon sa piglutoan (orog na sa kawali).

L

laag, laag kun ilalaog, *kaag* kun ibubugtak lang. (Hil. *kaag*)

ladop, ladom.

làgak, labi kaatî.

lanat, pûngaw.

lantason, barabas nin lalong.

limaw, tubig na walat sa daga (*hbw.*, sa dalan o sa paril) orog na pakatapos mag-uran asin dai tolos naáalang ta dai nin nadadalihigan o dai pa nasasaldangan o nababalad.

lingaton (var., *lumingaton*), pulang tanga.

lolong, magtipon nin doot ta susuloon.

lolóng, kapay, buá-buá, raot an payó.

lontayan (Eng., *prance*), naglulukso o nagsasayaw sa kaogmahan. Hbw., “*Naglontayan an familia ta nag-abot an amâ haleng ibang nasyon.*”

Ginagamit man sa ginigibo nin mga gamgam sa pagbara-balyo sa pagtugdon sa oma. *Hbw.*, “*Kadaku nang dignos an naglolontayaw sa oma, tibaad kaya nagbubunga na an paroy.*”

lukot, saradit na insektong may pakpak na naggigibo nin dugos; kaagid man kan mas darakulang insekto arog kan putyukan, ligwan, buligan, na naghaharong man sa anirà, asin naggigibo nin dugos; agid man sa taboan asin putakti alagad dai naggigibo nin dugos.

lüksó, kun halangkaw an aaboton. *Hbw.*, “*Lüksoba daw an bunga ta abot mo iyan.*” Kun magkapantay an hahalian saka babalyohan. *Hbw.*, “*Lüksobon mo an kali ta sadit man lang.*”

luntok, huri na o may panahon ng halawig an nakaagi (alagad ginagamit sana bago mag-odto). *Hbw.*, “*Luntok na бага, alagad nasapná pa sana; kawasa odto na nagbale sa oma.*” Kabaliktadan nin amay, bako pang luntok; bako pang huri; o napoon pa sana (*hbw.*, *amay na aga, amay pa an panahon, amay pa an banggi, aip.*).

lupnis, kublit kan barani, kan paklang nin natong, na garo buhok na kabtang kan barani; ginaras na kabtang kan barani na magigibong pisi.

lupog, dai na naggad nakakalakaw ta dai na ngani nakakabuhat.

M

mabansay, matanos asin marahay (Eng., virtuous), agid man sa *suripot*.

magholam, magpanuga na magbâgo, magbawe huli sa naginibong pagkakasalà.

maglugo-lugo, makimaherak na naghihibi.

magtagal, magdanay sa sarong bagay na masakit (Eng. *persevere*).

malsok, matá sa rapsak na pagtaram.

mangabang (Cat.), gikan sa *kabang*, o ilaag, o ibugtak, kaya boot sabihon ilaag an sadiri sa sarong lugar, kaya boot man sabihon *magduman* o *magdigdi*.

mahimbong (Cat., *gabinhod*), bakong mainit bako man na malimot.

marigmat, abtik, maliksi sa pagrisa/paghiling.

maringis (Eng., *cruel, harsh*), labi-labing isog; makuring kaisogan.

marompot, maraot na pagmâwot; may maraot na katuyohan. *Hbw.*, “*Dai kang gayo maki-amigo sa mga masiwawa, ta mauulakitan ka kan marompot nindang game.*”

magsadol, maghurot, mag-alok, magpakusog boót nin iba.

magsaníp, mangsalà nin pasaluib.

magtigayon, maghanda, mag-andam.

marurupgas o *marurupok*, madali mapasâ.

marurupok o *marurupgas*, madali mapasâ.

masiwawa, maraot na tawo.

matabadan (Cat.), maghidap (Cat.), maraya, o manganaan.

matalasayon (*talasay*), mayong olang, bakong gurudol-gudol, matiwasay (*hbw.*, bakong maalon o madoros kaya dagos-dagos an sakay).

matangâ, sa tahaw nin banggi asin aga (hil. an *odtô*).

matayam, tubig na nagtuturu-takla asin naguuru-asgad an namit.

matimgas, dagyâ, kadakul-dakul o labi-labi, sagana (kasaganahan).

matubang, lâbas, sariwà (hil. Ez 17,24)

mayúmô, basâ-basâ, boot sabihon bakong gayong basâ, arog baga nin trapong pinugaan nin tubig.

muró, mga kabtang nin kamot.

múrit, atí sa ngoso.

N

ngorapak, ngoso o ngimot sa rapsak na pagtaram.

O

odto, panahon sa tahaw nin aga asin banggi (*matangá*, sa tahaw nin banggi asin aga).

ogdó, maglukso na dai naghahali sa kinamumugtakan. *Hbw.*, “Nagabâ an bigdaan ta pigpara-ogdoan nin mga aki.”

onlong, n., ubak na nagpapatos sa burak kan sarong rawog nin niog.

onoy (*onoy-onoy*), v., magsadiri (sadirihon) o maghingoa na sana (an sadiri) sa paggibo nin sarong bagay.

P

padad, v., nag-iidos sa paglakaw, nagsasarô-sarô na sanang lakad sa paglakaw.

pagdulonan, tig-an (Cat.) (*hil. Job 38,8*)

pagkamatimaan, malikay, mapagmaan (Eng., prudence).

paklang, yagis kan natong.

palápá, takogong na mayo o igwa nin dahon, orog na kan niog.

paliman (*mapalimanan*), v., dai mapakinabangan ta dai tinàwan halagá, kaya *napaliman-limanan* (Eng., miss something).

pálo, hawak kan dakula nang kahoy (yagis, kun sadit pa); nagigin *paló* kun ginigibong harigi (cf., *paló*).

paló, hawak kan dakula nang kahoy na ginibong harigi.

palong, korona nin lalong.

paog, pabaya sa magurang.

patimasang, magsayang, magwaldas, magbasang-basang.

pisngi, a) “dahon” nin burak; b) kabtang kan lalawgon nin tawo sa sa gilid mag-ibong-ibong, napapatahaw an dungô asin ngusò.

popónan (*gikan sa poón*), kabtang kan hawak nin babae kun saen an aki binabados; gikan sa tataramon na *poón* na boot sabihon “*napapatugmadan*” (Eng., base) o “*napapadátolan*” nin sarong bagay (*hbw.*, *poón nin kahoy*), kaya an *popónan* iyo an *napapadátolan* nin aki mantang binabados nin inâ.

pasipara, dai pagmangnohon, lihisian.

puntó, maghinakit (magtanom nin sakit sa boót), maghikay (Cat.), onó-óno (Rin.)

putol, tanglob.

purok, pagpalaban/pagpaiwal nin mga lalong.

pusta, tayâ.

R

râbot, pagtanggap (pagbutong) nin balukag nin manok na gadan (sambot).

ragpâ, mga sanga (asin dahon), orog na mga palâpâ, na nagkararakdag (nagkahurulog) huli ta nagkapurutol o/asin dinoros.

ramog, atî, basura.

rasay, natutupag, ruskay.

rasóke, apod sa sadit na paló.

rawog, takogong na natatakodan (dinudukutan) kan mga bunga orog na nin niog.

rayá, namamatean kun habô nang maliwat an sarong pangyayari ta ini makulog sa boot; hidâp *Cat.*)

rimpos, pagtipon o pagsaray nin marahay na adal o ugali.

S

sabog, pagsabwag tolos-tolos sa omá asin diyan na minatalubo asin minabunga an pigsabwag (na paroy). Laen sa *dapog* na iyo an pagsabwag sa palitada asin diyan pinapatubo an banhi, saka itinatarok sa oma kun darakulà na.

sadol, pag-alok na gibohon o dai gibohon an sarong bagay.

saginsin, pigsasaló nin kamot, asin takyag an nakahilay; maluluya o matutumbahon na tawo.

sagunson (Eng., *follow-up*), pagkulibat.

sahà (Eng., *twig*), sadit na sanga na dai kaiba an dahon, na nagtubo hale sa pálo kan kahoy, tinutuboan nin takogong.

sáka, mapanas na nagtubo sa gilid kan bitis nin manok na ginagakudan nin tambod.

sakolo, kapotan an aki (mantang ini inaaling), an sarong kamot saló an lubot (pinapatukaw sa kamot), an saro inoolang an daghan, kaya an aki nakatalikod sa nag-aaling. *Kolkol* (gikan sa *sakolo*), kun an aki patukawon sa lapi.

sambot, lalong na nadaog (kaya gadan na) sa bulang asin tinatao sa nanggana bilang kaiba sa premio.

sanggâ, ulang.

sanglad, pagprito nin bahaw na malutò.

sangrag, *mag-*, sagyad.

sanóng (Alb., *Cat.*), *sunò* (CS), magdungan (maki-iba) sa pag-awit.

sapó, *a*) kulkolon na nakahigda; *b*) paggamit man nin kamot sa pagtipon kan nakawarak na bagas o paroy tanging madali ining ponponon.

sapó (*Cat.*), saló.

sapot, garo mga saradit na tursido na sirigyapot (nagsasaralbodan), gibo asin kinakamangan nin lawà.

saribo (*suro-saribo*), adj. o v., witik-witik, wisik-wisik.

saribong, sinasabi kun an kadakul na aki naka-arinpompon asin gabos nagpapasakolo sa magurang.

saribukaw, *mag-* (*Cat.*), v., ribaraw, olang-olang, pangribok.

saringsing, sahà na mabubuhay kun suhayon sa sanga; pálo nin kahoy (iba sa supling ta an supling sa poón nagtutubo).

sarimot (Var., *masarimot*, *masinarimot*), laen sa adimohan; an adimohan pagtipon, pagkua nin mga tadâ kan ibang tawo; an sarimot pagsaray nin dawa saradit o garo dai na kaipuhan na

bagay ta tibaad kaipuhanon pa ngapit; pero bakong tadâ nin iba, kundi sadiring gamit. *Hbw.*, “*Ako masarimot kan mga «plastic bag» paka-pamakal, tanganing igwa akong bobotboton kun manga-ìpong láganan/laagan.*”

sarugsog (var., *saruksok*), natudok nin mapanas na bagay (arog baga kan manipis na pidaso nin kahoy) asin ini nawalat sa kublit o laman.

sarumsom, sagom.

sidsid, gamit an dapán (kan bitis) dinodootan o minamate an irarom nin tubig (sa salog o sa dagat). Kun naglalakaw sa tinampong bahâ, saka may nahulog na kwarta, sinasabihan, “*Sidsidon* (kan bitis) *mo ngona kun haen bago bugamon* (kan kamot)”. Siring man, “*Kun madiklom an dalan, sidsid an lakaw.*” Alagad *sinsinon* (kan mga murô) tanganing maisihan kun kwarta man nanggad (hil. an *sinsin*) - ibabaw an dinodootan asin bitis/dapan an ginagamit sa pagdoót.

simit, pagpurot nin mga sadit na bagay, arog nin sarong tipasi, gamit an duwa sanang murô; *simit-simiton*, para-ikit; *kumas*, kun kakanon na nasa piglutoan an pignisimot.

simót, pagsimit sarô-sarô kan sagkod pinakasadit na pidaso.

simpod, v., (*masimpod*) busong, karma.

sinanglitan (Lat., *excelsus*; Eng., *sublime*), halangkaw na pinapahalagahan.

singkog (*nasingkog*), sigyapot (*nasigyapot*); pagtamà nin bitis sa olang sa agihan, dahelan nin pagkatumba.

sinsin, gamit an palad dinodôtan o hinahapihap (Cat., *hapiyap*) an sirong kan baroto. *Hbw.*, “*Tanganing dai ka mawara pagladop mo, sinsinon mo ngona an sirong kan baroto bago magsidsid an irarom kan salog.*” Kamot o palad an gamit sa pagdotâ o paghapihap, asin sirong na parte kan bagay an dinodootan (hinahapihap).

Alagad an nadugi sinasabihan man, “*Sinsinon mo kan dila kun baen an dugi.*” – boót sabihon, *susugon* nin dila.

sirum, saradit na tanga.

solog, aki pang lalong, madalí nang magsagbat nin gonâ.

sugpon, o *sumpay* (Eng., *to adhere/assemble*), pagsaro o pagtakod (Eng., *connect*) nin duwang bagay na igwa nin dahelan o kamanungdanan na pagsaroon. *Hbw.*, “*Risa mo man lang kun totoo an mga sinasabi ninda, ta an mga ini nasusugpon.*”

subot, paglaog nin bilog na hawak (*hbw.*, sa cueva, sa kadlagan, sa kadodoótan, sa sirong kan harong). *Hbw.*, “*Pagsubot mo sa cueva, sinsinon mo an agihan tanganing dai ka makatangkô.*” Laen sa *sulok* ta sarong kabtang lang kan hawak o bagay an linalaog (hil., *sulok*).

sulang, tapà, olang; magsulang, mag-olang.

sulok, ilaog alagad laen sa *subot* ta sarong kabtang lang kan hawak o bagay an linalaog (hil., *subot*). *Hbw.*, “*Isulok an tursido sa dagom, isulok an kamot sa takyag kad badò, isulok an muró sa dungò.*”

sumpay (Eng., *to attach*), pagsaro o pagtakod (Eng., *connect*) nin duwang bagay ta suhay o putol. *Hbw.*, “*Masusumpay an pisi dawa patód na.*”

sungkô, dalaw.

supling (Eng., *shoot*), bâgong tanom na nagsanga hali sa poón kan tanom; kun minsan, an sahà iyo mismo nagigin supling kun ini mabubuhay na kun putolon asin itanom.

suripot, a) matanos; b) pagtipon, paghipos, pagtagama, pagtalága, asin pagdikit-dikit (si tamà saná) na paggamit nin kwarta, gamit o kakanon.

T

tabsong, malukso sa tubig, kaya ginagamit kun tubig an tatagbangan, *hbw.*, sa dagat o salog.

tado, *i-* (Cat.), tangkô o pungkâ.

tagbang, luksong paibabâ. *Hbw.*, “*Magtagbang ka na lang ta hababâ man an kaboy na iyan.*”

tacolod, halangkaw o lataw na kabtang kan oma na dai binabahâ.

tagnongon, mayong doros kaya toninong asin maharasahas.

tagob, panô-panô.

takogong (Eng., *stem of leaf or flower*), hale sa sanga, ini an nagtatakod kan dahon o burak sa sanga.

taksal, natatakodan kan mga pisngi kan burak, sa poró kan takogong.

talaod, sarong gamgam na puti sa omá.

talanbok, tadom o lubong sa daga, sagom.

talasay (*ma-*), mayong olang, bakong gurudol-gudol, matiwasay (*hbw.*, bakong maalon o madoros kaya dagos-dagos an sakay).

talastas (*mag-*), nahiling bigla dawa dai pighahanap, o nasabotan (na hararom) ta nahiling an dahilan.

talì, paglaag nin tursido sa mata (labót) nin dagom.

talobong, sùnadan nin kaldero pagluto, gibo sa tolong gapô na taraed na pantay an rayo sa lambang sarô; sa pag-ultanan kan mga gapô sinusuksok an mga sungo.

tambóan (Eng., *article, essay*), halipoton na sinurat.

tambod, panggakod sa tari tanganing dai mahale/matanggal sa bitis nin manok.

tangga, lakdang (orog na sa hagdan).

tangró, mag-alok nin bagay (dawa) na dai hinahagad.

tapsok, pag-agi, pagtongtong, paglukso sa dai dapat agihan. *Hbw.*, “*Nagtapsok sa bagong tarokan na oma.*”

tarambobong, n., gikan sa duwang *tataramon*, i.e., *tataramon* na ginagamit sa pagtaram sa pagpahayag nin kahulugan, asin *tambobong* na sarayan nin paroy, kayâ sarayan (listahan) nin mga *tataramon* na kaibahan an saindang kahulugan (Eng., *dictionary*).

tari, tarom na ginagakod sa bitis nin manok, orog na kan lalong, na binubulang.

taway (*mag-*), mag-suhay, mag-suway o maglikay.

tayô (Eng., *appearance*), hitsura (hirihitsurahon): *hbw.*, “*Kan siya mag-abot, an tayô niya garo maogmahon.*”

tibabong, sarong dakulang insekto (*anisoptera*) na may halaba, manipis asin makolor na lawas asin duwang padis nin silag na pakpak (Eng., *dragonfly*).

tig-an (Cat.), n., talâ nin gurit sa pagbanga, o girâ sa pag-ultanan nin duwang kabtang o bagay na binabangâ.

tilhá, atí, aláng, tingating, daing laog kabaliktadan nin panô. *Hbw.*, “*Agaw-agaw biyaya, pagna-ubos tilhá.*”

tîmos, magtipon asin magsaray nin mahalagang bagay (rimpos, sa puso).

todyong, dagdag pagpalis nin tubig sa lalâgan (hbw., sa baso o balde, malipot na tubig dinadagdagan nin mainit na tubig).

topada, sadit na bulangan.

tugod-tugod (Cat.), sahot.

tuslá, rapsak kan turog.

usdong, tulod, bungsod.

yagis, an hawak nin kawayan: an sawali gibo sa yagis nin kawayan; *hbw.*, “*Yagisan mo na an kawayan*” (boot sabihon linigon an hawak kan kawayan, halíon na an mga sanga sagkod dahon). Ginagamit man ini pati sa saradit na kahoy.

Mga Tataramon sa Pag-omá

arado, v., pag-andam sa paagi nin pagkalot kan daga na tatanoman nin paroy.

asyab, matarom na gamit sa pag-ani na nagpuputol nin paroy.

atá, n., ubak kan paroy na mahibò, laen man sa *arogasang* na durudakula sa atá asin magaspang.

bagas, n., putting pisog kan paroy na minolino, sinasapnâ tanganing magin malutò na kinakakan.

baknis, pagtukal nin barani sa hawak nin batag.

balagáy, raot na bandala kaya hinahaboan o inaapon.

banhi, n. itatanom na paroy pakatapos na ini paalangon.

bátang, pilapil, kabtang nin oma na tinatanoman o tinatarokan nin paroy.

batiris, magapo asin hababaw na kabtang kan oma.

binlod, saradit na bagas na haros ronot na.

bubang, pagbaak o paghale nin olang sa sagpan tanganing magdalihig ang tubig sa oma.

bunot, ubak nin niog.

busal, kabitan nin bugkos sa dungo o ngoso nin damulag o kabayo.

dagami, n. (stubble) tada nin tanom na paroy, walat sa omá (pinutolan na nin bungang paroy), pakatapos nin pag-ani.

dagingding, n., tambo (supling) kan mga walat na dagami.

dalugi, n., nagtambo na banhi na iyo an itinatarok.

dápog, sabwagan asin pinapatuboan nin paroy na ipantanom sa bítang.

dapóg, sapnaan; pangtapal sa lugad.

dasok, pagsaruksok kan kopras sa sako.

ginik, v., pagtûmak (gamit an bitis) asin paghampas kan paroy tanganing matanggal ini sa ohot.

gubbak, maray na daga kun saen magayon an tubo nin tinanom.

hágot, pagbutong o paghale nin pinâkos sa barani nin abaca.

hampas, pagrapado nin ohoy sa hampasan tanganing matangka an paroy siring sa pagginik.

hibò, n. (*ma-*, adj.), híras, garo saradition na buhok (awat) sa ubak (atá) nin paroy na halos dai nahihiling, alagad walat sa binaladan nin paroy o madali maka-iba sa doros, magatol kun nadudûtan kan (o nakakadokot sa) kublit nin tawo.

hílamón, paghale nin doot (maroy-paróy) na nagtutubo kasabay-sabay nin paroy sa oma, hinahale ta olang-olang sa pagtalubo kan paroy.

híras, hibo.

budbud, paghale nin dalugi sa dápog kun ini itatanom o itatarok na.

kagót, sundang na pangtakras sa burak nin niog na dai pa nagbukas, tanganin magturo ang tuba.

kalí, kalot na agihan nin tubig.

keangga, lalàgan na pabilog na binubugtak sa pamaba, balá na pigsalsag o may tusok na balá na kasukol sa pamaba na linalaogan nin gamit tanganing an linalaag dai na kaipohan na itayod o gakodan; kulongan nin mga gamit mantang binubutong nin damulag ang pamaba.

kasadol, asada.

layà, hinog-hinog na niog na timgas nin gata.

magdapog, v., pagpatambo nin banhi na bakong sabwag (tiprak).

maroy-paróy, doot na agid sa paroy na hinihilamon sa oma.

matimgas, malaman, malaog.

obot, n., poón kan paroy, orog na idtong hinalean na nin paroy.

ohoy, n., tangkay kinakapitan nin mga tipasi sa itaas (ibabaw) na kabtang kan ohot.

omlong, kinakabitan nin bungang-niog.

oron-oron, bakong matimgas na paroy.

pákos, paghale nin hibla sa barani nin abaca.

palakupak, binuhang na butong na pinupokpok ta an ribok kaini pangpadulag.

palatakot, tawo-tawo na pangpadulag o pangbugaw nin gamgam sa oma.

palawan, mapanas na gamit sa pagbunot nin bungang-niog.

pamabá, lunadan na ginuguyod nin damulag na binubugtakan nin sal-ong.

papalid, v., pag-olà kan paroy hale sa nigo tanganing ini malinigan ta nadodorosan mantang nahuhulog.

parás, paghawan sa bäsog, paghale nin doot o awot.

paroy, n., tanom na ginigikanan nin bagas; an bunga man sana kan tanom na nagigin bagas.

parapád, kagamitan na pangpadoros sa pagpapalid.

rasok, pantusok na kahoy sa pagkudal.

sagpan, sagopan nin tubig na ginagamit sa patubig sa oma.

sakal, kahoy na linalaag sa liog kan damulag, ginagakodan nin lubid na panliog, ikikakabit sa pamaba tanganing mabutong kan damulag.

saklot, butong sa pagsipong.

sanggot, pangkawit nin bungang-niog.

saringsing, mga tada na nagtubo giraray na paroy pagkatapos nin pag-ani.

sinò, magagataan ng niog, alagad bako pang layà.

sipong, pangsumpay sa sanggot tanganing maglaba.

surol, v., pagwarak o pagpantay asin pagpapino kan daga na tatanoman nin paroy; n., ginagamit sa paghugay sa buhok sa pagsarà (pagdakop) nin kuto.

surong, v., sugod, sulong, atubangon tanganing sudyaon.

tagabó, adj., palnit na dagâ ta kinuhulan o ginamgam kaya dai tinubuan nin paroy.

tahop, pagpa-ontol nin bagas sa nigo tanganing mahale an walat na ata.

takogong, tangkay nin tinanom; natatakodan nin sanga, o kun sadit, an natatakodan kan dahon o burak sa sanga.

tukod, pangpasarig o pangpatanos nin maluya ang tindog o nin tikô.

talapak, pagtipon o pagtambak nin pig-ani sa bugtakan na pinaratong-patong.

taltag, pagrasion nin dalugi.

taplis, lihis.

tarik, bakilid na marhay o bakilidon.

tarók, v., pagtanom nin paroy.

tayod, paggakod nin lubid.

timbol, pangtusok nin mga niog tanganing ini matipon.

tingkal, paghale (o pag-tanggal) nin kopras sa bagol.

tipasi, n., manarô-sarô na paroy na natanggal na sa ohot o mga walat na paroy kasalak sa bagas.

tiprak, pagtanom nin paroy sa paagi nin pagsabwag bakong talbong.

tungró, adj., pamumula kan tubo kan paroy (kaya helang nin paroy) kun an dagami dai pinalapâ sa irarom kan daga sa omá bago magtarok.

tutud, n., mapanas na poró kan tipasi kan paroy.

Mga halípot na tanda:

Aip., asin iba pa (Lat., etc.)
Alb., Albay
Cat., Catanduanes
CN, Camarines Norte
CS, Camarines Sur
Eng., English
Hbw., halimbawa
Hil., hilingon
Lat., Latin
Mas., Masbate
Orig., original na kahulugan
Par., Partido (CS)
Rin., Rinconada (CS)
Sor., Sorsogon
Spa., Spanish
Tag., Tagalog
Var., varia

Mga punto sa pagtaram:

‘ marikas o dinodoonan na sílaba o pansuhay nin duwang vocal (*hbw.*, *poón*, *boót*)
^ magabat na bagsak (*hbw.*, *salâ*, *balâ*)
` luway na bagsak (*hbw.*, *tamâ*, *salâ*)
- pansuhay (*hbw.*, *dikit-dikit*, *para-oma*)

September 24, 2012

Clamantes et dicentes = et was translated as ‘mantang’ two complementary ideas (see LS)

Intuere = lilingya

Absolve = hubadon

anima sua =sadiri

kagausan - plenitudo

semitas – agihan

via – dalan

penetralia – kaladman

English-Tagalog

color, kulay; to color, mag kulay; to color (object), kulayan; colorful, makulay; of the same color, kakulay; coloring tool, pangkulay.

English Tagalog + Item it is associated with

purple, kulay ube; gray, kulay abo; brown, kulay tsokolate; orange, kulay dalandan

English Traditional Tagalog Translations

pink, rosas, kalimbahin (botolan)

red, pula, mabaya (ivatan)

orange, dalandan, kahel (bic.)

yellow, dilaw, kunig (iloc.)

green, berde, luntian (tag.)

blue, bughaw (tag.)

violet, ube, lila (tag.)

brown, kayumanggi (tag.)

black, itim, dagtum (ceb.)

white, puti, puraw (iloc.)